

古文尚書撰異

古文尙書撰異卷二十

段玉裁學

雒誥第二十

周書

周公拜手稽首曰

白虎通姓名篇所以先拜手後稽首何名順其文質也
尙書曰周公拜手稽首玉裁按白虎通此條殘闕名當
作各當云殷所以先稽首後拜手何周所以先拜手後
稽首何各順其文質也蓋殷之禮拜先稽首後拜手其
喪拜則拜手而後稽顙周之禮拜先拜手後稽首其喪
拜則稽顙而後拜手詳於說文解字讀

朕復子明辟

漢書王莽傳羣臣奏言書曰朕復子明辟周公常稱王命專行不報故言我復子明君也

後漢書桓帝紀和平元年詔曰遠覽復子明辟之義王如弗敢及天基命定命

文選沈休文宋書謝靈運傳論注引弗作不按下文不敢不敬天之休予不敢宿皆作不似此亦不敢爲長

予乃允保大相東土其基作民明辟予惟乙卯朝至于雒師我卜河朔黎水我乃卜澗水東灤水西惟雒食我又卜灤水東亦惟雒食佯來以圖及獻卜

羣經音辨卷二曰平使也補耕晉耕二切書平來以圖王裁按此賈氏據未改尙書釋文採入者也今本尙書

釋文作𠂔恐是依衛包竄改非陸氏之舊且不載補耕
一切與爾雅𠂔𠂔音義不符集韻十三耕𠂔𠂔𠂔𠂔平
𦰩六字同云古作𦰩𦰩攷堯典平秩東作馬作𦰩云使
也是丁度所本書序王俾榮伯馬本作王辨榮伯古辨
與平多通用然則尙書之平卽爾雅之𠂔𠂔也𠂔字後
出爲俗

漢書劉向傳書曰𠂔來以圖孟康曰𠂔使也使人以圖
來示成王明口說不了指圖乃了也玉裁按𠂔字疑本
作𦰩轉寫俗加人旁

釋故俾𠂔𠂔使也釋文曰𠂔字又作𠂔

王拜手稽首曰公不敢不敬天之休來相宅

白虎通京師篇尙書曰公不敢不敬天之休來相宅
其作周匹休公既定宅侂來來

鄭注侂來來句絕

王伯厚藝文志考說漢世諸儒所引異字辨來來示予
卜休恒吉侂作辨此與勿辨乃司民涵于酒王辨榮伯
同

視予卜休恒吉我二人共貞公其以予萬億年敬天之休
拜手稽首誨言

大雅下武鄭箋云書曰公其以予萬億年亦君臣同福
祿也

周公曰王肇稱殷禮祀于新邑

白虎通禮樂篇王者始起何用正民以爲且用先王之
禮樂天下太平乃更制作焉書曰肇稱殷禮祀新邑此
言太平去殷禮玉載按少于字

咸秩無文

風俗通義山澤篇尙書咸秩無文王者報功以次秩之
無有文也

子齊百工倕從王于周子惟曰庶有事今王卽命日記功
宗以功作元祀

釋文日記上音越一音人實反然則一本作日也

惟命曰女受命篤弼丕視功載乃女其悉自教工

唐石經原刻悉自教工作悉自教百工字形隱然可辨

後摩去重刻刪百字

教尙書大傳作學工作功此今文尙書也尙書大傳周傳曰書曰乃女其悉自學功悉盡也學效也傳曰當其效功也於卜筮邑營成周改正朔立宗廟序祭祀易犧牲制禮作樂一統天下合和四海而致諸侯皆其不依紕繆以奉祭祀者其下莫不自悉以奉其上者莫不自悉以奉其祭祀者此之謂也盡其天下諸侯之志而效天下諸侯之功也

孺子其朋孺子其朋其往

後漢書爰延傳延上封事曰臣聞之帝左右者所以咨政德也故周公戒成王曰其朋其朋言慎所與也李注

尙書周公戒成王曰孺子其朋孺子其朋慎其往按今本多慎字足利古本同此疑妄增也

楊雄尙書箴曰書稱其朋用雜語與爰延說同古文苑朋譌作明而章樵不能正

無若火始炎炎厥攸灼敘弗其絕

炎炎讀以瞻反左氏傳人之所忌其氣炎以取之杜注引書無若火始炎炎釋文炎音豔正與雜詁釋文音豔同炎音豔者讀爲爛也以廣韵推之陸法言切韵爛音以瞻切燄音以冉切燄不音豔也衛包因釋文音豔妄謂炎燄爲古今字而改之陳鄂併改釋文之炎爲燄唐石經左傳不誤今版本亦改作燄蓋不考說文爛燄各

字妄謂𤇀卽爛字可音𤇀耳集韻五十𤇀炎𤇀爲一字以瞻切取宋初未改釋文衛包已改尙書合和爲說也此可爲未改尙書作炎之一證。又按左傳釋文炎以音𤇀𤇀音𤇀此𤇀𤇀字恐天寶已後或據衛包尙書本改之又增入釋文惠氏定字曰當是雒誥亦作炎炎故杜氏引以爲證是也

漢書敘傳曰炎炎燎火亦允不陽

漢書梅福傳福上書曰書曰毋若火始庸庸蓋今文尙書也炎與庸雙聲融風古亦作炎風

厥若彝及撫事如子惟以在周工往新邑倅鄉卽有僚鄉徐許亮反作嚮者衛包改也

明作有功惇大成裕女承有辭公曰己女惟冲子惟終女其敬識百辟享亦識其有不享享多儀儀不及物惟曰不享惟不役志于享

孟子告子篇書曰享多儀儀不及物曰不享惟不役志于享爲其不成享也

漢書郊祀志谷永說上曰經曰享多儀儀不及物惟曰不享

凡民惟曰不享惟事其爽侮乃惟孺子頒

說文三篇支部曰攷分也从支分聲周書曰乃惟孺子

攷讀與彪同

大徐本作亦讀與彪同

按許所據壁中故書也

釋文曰頒馬云猶也猶下脫一字當亦是分字也

朕不暇聽朕教女于棐民彝女乃是不獲

玉篇苜部獲字下曰周書云汝乃是弗獲不作弗

獲按說文無此字錢氏曉徵云釋故云孟勉也爾雅所以訓釋六經必六經有是字而後爾雅有是釋尋六經中孟之訓勉他未有見意孟之古音近苾雜詁獲字本是孟字故鄭康成王子雝及偽孔傳皆訓勉王裁謂謂孟古音如苾則實然如孟諸孟津孟卯皆可證謂徐邈獲讀莫剛反與孟古音同則不然獲字從侵從菅省聲與夢字菅省聲同凡菅聲之字古音在蒸登部不在陽唐部是以獲莫崩反見於五經文字竹部集韻十七登皆本釋文釋文古本定當作徐其崩反又武剛反儻如

今本則其剛武剛音無分別其爲上剛有誤無疑也玉篇廣韵獲皆音武剛者此獲之轉音如夔字古音本在蒸登部今音轉入十三耕今江浙俗讀則如范也是則獲之古音與孟之古音迥別謂二字雙聲可謂二字同音非也且說文阻於五百四十部獲從侵雖未得其解說文不立侵部則獲無所屬從如斬字見爾雅洎古款議从草斤聲說文不立草部則無所屬從不得謂不當有此等字而圖改之也

乃時惟不永哉篤敘乃正父罔不若予不敢廢乃命女往敬哉茲予其明農哉

廣雅釋詁三農勉也疑是尙書茲予其明農哉之訓

彼裕我民無遠用戾王若曰公既保予冲予公稱丕顯德以予小子揚文武烈奉荅天命和恆四方民

尙書大傳周傳曰周書自大誓就召誥而盛于洛

當是雒

誥故其書曰揚文武之德烈奉對天命和恆萬邦四方民此今文尙書也荅作對多萬邦字

居師惇宗將禮稱秩元祀咸秩無文惟公德明光于上下勤施于四方

文選豪士賦序曰光于四表德其富焉王曰叔父親其暱焉蒙上文周公言之也潘元茂稱魏公九錫文亦曰伊尹格于皇天周公光于四海皆用雒誥

方作穆穆

方今作旁蓋衛包所改也釋文方步光反今作旁步光
反蓋開寶閒改也凡今文尙書例用旁字凡古文尙書
例用方字如方施象刑惟明白虎通作旁施方告無辜
于上帝論衡作旁告方鳩僇功說文一引方鳩一引
逌皆其證也攷說文曰旁溥也廣雅釋詁曰方大也又
曰旁大也方之訓大者出古文尙書旁之訓大者出今
文尙書方實旁之假借字也僞孔不知故訓之理故於
方字多釋爲方方如方鳩僇功則曰方方聚見其功洪
水方割則曰方方爲害方告無辜于上帝則曰方方各
告無罪于天方行天下則曰方四方咎繇方祗厥敘方
施象刑惟明則曰方四方敬行其九德考績之攷敘施

四方又施其法刑皆明白方作穆穆則曰四方方來爲

敬敬之道兄弟方來則曰方方

裕本改爲萬方足利皆古本及宋本不誤

來賓服僞太甲方求俊彥則曰方非一方以形方求子

天下則曰以四方求之於民間音家或有說方步光反

者衛包以淺學不明點竄經籍乃謂方是古字旁是今

字於洛誥僞太甲僞說命諸篇改方爲旁僞書可無論

致眞古文方旁錯出不一例又或將洛誥傳中四方左

來下方字妄改旁字甚矣小學之不傳也今更正依廣

雅訓爲大則諸訓皆關通如方正方且四方方竝大書

皆不相遠而僞孔傳說偏而不該凡方之言正如此也

又甚盛之書也山海經有一女子方曉進杯食義和方

曰浴于甘淵有人焉方捕魚于海有黑人持蛇方啗之
有人方扞弓射黃蛇皆甚盛之書

尙書大傳孔子曰吾于洛誥也見周公之德光明于上
下勤施四方勑作穆穆至于海表莫敢不來服莫敢不
來高玉裁按古文尙書勤施于四方方作穆穆尙書大
傳勤施四勑勑作穆穆今本大傳勤施四方淺人依古
文尙書改也凡攷古之必悉其源流如此

楊雄劇秦美新勑作穆穆此用今文尙書也

僞武成勑死魄此襲漢書而未知古文當作方也

又按此孔傳當云方方來爲敬敬之道以方方二字釋
經文方字此正與堯典梓材呂刑同淺人增一四字改

下方爲勑李善注劇秦已引勑施於四方勑作穆穆似
擅改者不始於衛包也然安知善注非系後人所改邪
御衛不迷

魏志文帝紀裴注曰延康元年詔曰今王纘承前緒至
德光昭御衛不迷布德優遠漢魏閒多讀古文尙書詔
所引者古文雜詁也

釋文御五嫁反馬鄭王皆音魚據反玉裁按此字本作
御僞孔傳訓迎則讀爲訝故陸云五嫁反也馬鄭王皆
訓八枋取羣臣之馭讀如字故陸云魚據反也衛包依
孔訓改字作迂而釋文故作御至開寶中又改釋文大
書作迂以合衛包本而小字仍之殊不思今音迂可立

嫁而不可魚據今本釋文大書與小字橫決不重正如
洪範曰寧可云徐公鉤反今本作曰寧則不得云徐公
鉤反也 此反語非出馬鄭王謂以馬鄭王之訓推其
切音當是某某反耳 盤庚御五嫁反牧誓御五嫁反
今皆改迂字 集韻九御曰迂牛據切迎也書迂衡鄭
康成讀此條取誤鄭注尙書作御不作迂且鄭不訓迎
且鄭不爲反語此依開寶新定尙書音義而踏誤至此
文武勤教于冲子夙夜毖祀王曰公功斐迪篤罔不若時
王曰公予小子其退卽辟于周命公後四方迪亂未定于
宗禮亦未克較公功

說文三篇支部曰較撫也从支來聲周書曰亦未克較

公功讀若弼又曰休或敕字从人

迪將其後監我士師工誕保文武受民亂爲四輔王曰公
定子往已公功肅將祇歡公無困哉

漢書元后傳上報鳳曰書不云乎公毋困我 杜欽傳
欽說王鳳曰書稱公無困我 劉昭祭祀志注東觀書
曰章帝賜東平憲王蒼書曰宜勿隱思有所承公無困
我按此皆用今文尙書也周書祭公解王曰公無困我
哉兼有我哉二字疑古文尙書無我字語意不完古我
我二字相似易論如說文洩字誤爲洩是其證也

我惟德教其康事公勿替荆四方其世享周公拜手稽首
曰王命予來承保乃文祖受命民越乃光烈考武王受朕

其

莊氏寶琰曰朕當作訓說文人部云侯古文以爲訓字
尙書當是本作侯後改作朕字耳作雒本武王之意見
逸周書故曰宏訓其也

按孔以奉訓其則其字本不作恭衛包乃改之也詳見
他篇

孺子來相宅其大倬典殷獻民亂爲四方新辟作周恭先
曰其自時中又萬邦咸休惟王有成績予旦以多子越御
事篤前人成烈答其師作周孚先考朕昭子荆乃單文祖
德

釋文單馬丁但反信也五載按此以其訓信而知其讀

丁但反也馬讀單爲直故訓信詩天保卑爾單厚毛傳
曰單信也亦是釋單爲直之假借故釋文曰毛都但反
周頌維天之命鄭箋云書曰考朕昭子荆乃單文祖德
侔來遯殷乃命寧予以秬鬯二卣曰明禋拜手稽首休享
予不敢宿則禋于文王武王惠篤敘無有違自疾萬年猷
于乃德

今本作厭唐石經宋岳本皆作猷

殷乃引考王侔殷乃承敘萬年其永觀朕子懷德戊辰王
在新邑烝祭歲文王騂牛一武王騂牛一

釋文曰王在新邑馬孔絕句鄭讀王在新邑烝正義曰
鄭以烝祭上屬歲文王騂牛一者於是成王元年正月

朔日特告文武封周公也玉裁按疑釋文孫下脫祭字
王命作冊逸祝冊惟告周公其後王賓殺離厥格王入太
室禘王命周公後作冊逸誥在十有一月惟周公誕保
武受命惟七年

漢書律厯志云洛

當是

誥篇曰戊辰王在新邑烝祭歲

命作策惟周公誕保文武受命惟七年

古文尙書撰異卷二十一

段玉裁學

多士第二十一

周書

惟三月周公初于新邑雒用告商王士王若曰爾殷遺多士弗弔旻天大降喪于殷我有周佑命將天明威致王罰勅殷命終于帝肆爾多士非我小國敢翼殷命

孔本翼作弋釋文曰弋馬本作翼義同正義曰鄭元王肅本弋作翼王亦云翼取也鄭云翼猶驅也玉裁按弋翼古音同在第一部訓取者讀翼爲弋也孔本作弋者因馬王之說而改經字也

惟天不畀允罔固亂弼我我其敢求位惟帝不弔惟我下

民秉爲惟天明畏我聞曰上帝引逸

論衡語增篇經曰上帝引逸謂虞舜也舜承安繼治任賢使能恭己無爲而天下治

論衡自然篇周公曰上帝引佚上帝謂舜禹也舜禹承安繼治任賢使能恭己無爲而天下治王裁按此今文尙書說也

有夏不適逸則惟帝降格鄉于時夏

釋文鄉許亮反按鄉衛包改嚮

弗克庸帝大淫佚有辭

釋文佚又作侑馬本作屑云過也按失聲卣聲古音同
在第十二真臻部

惟時天罔念聞厥惟廢元命降致罰乃命爾先祖成湯革
夏俊民旬四方自成湯至于帝乙罔不明德恤祀亦惟天
丕建保乂有殷殷王亦罔敢失帝罔不配天其澤在今後
嗣王誕罔顯于天矧曰其有聽念于先王勤家謹淫厥德
罔顧于天顯民祇惟時上帝不佑降若茲大喪惟天不界
不明厥德凡四方小大邦喪罔非有辭于罰

史記魯周公世家曰多士稱曰自湯至于帝乙無不率

祀明德帝無不配天者在今後嗣王紂誕淫厥佚不顧

天及民之從也

徐廣曰一作敬之也

其民皆可誅周多士王裁按

其民皆可誅卽凡四方小大邦喪罔非有辭于罰也周
多士三字譌贗史記此節當移乃作多士作毋逸之下

王若曰爾殷多士今惟我周王丕靈承帝事有命曰割殷
告敕于帝惟我事不貳適惟爾王家我適子其曰惟爾洪
無度我不爾動自乃邑子亦念天卽于殷大戾肆不正王
曰猷告爾多士

猷道也道導也猷告者導告也孔傳釋爲以道告汝眾
士非語意僞周官云若昔大猷正與僞傳出一手

子惟時其遷居西爾非我一人奉德不康寧時惟天命無
違朕不敢有後無我怨

隸釋漢石經殘碑惟天命元朕不敢有

下闕

玉裁按此

今文尙書然也王氏鳳喈云无字誤爲元脫違字其說
非也漢石經無不作无

唐石經初刻有後誅無四字後摩去重刻爲有後無三字初刻字形尙隱然可見蓋依孔傳增誅字

惟爾知惟殷先人有冊有典殷革夏命今爾又曰

顧亭林曰又曰石經監本同今本作其曰

夏迪簡在王庭有服在百僚予一人惟聽用德肆予敢求爾于天邑商予惟率肆矜爾

論衡雷虛篇人君罪惡初聞之時怒以非之及其誅之哀以憐之故論語曰如得其情則哀憐而勿喜紂至惡也武王將誅哀而憐之故尙書曰予惟率夷憐爾玉裁按此今文尙書也夷肆古音同第十五部憐矜古音同第十二部矜從令聲讀如鄰自誤從今聲而古音亡矣

非子罪時惟天命王曰多士

石經尙書殘碑罪時維天命王曰告爾多

下闕此今文

尙書也惟作維多告爾字

昔朕來自奄于大降爾四國民命我乃明致天罰移爾遐
逃

逃當是本作邊衛包改之釋文他歷反今本作他力誤
也

比事臣我宗多遜

遜壁中故書當是作慙

王曰告爾殷多士今予惟不爾殺予惟時命有申今朕作
大邑于茲維予惟四方罔攸賓

傳云無所賓外與馬云卻也同義徐音殯是也陸云如字非孔意

亦惟爾多士攸服奔走臣我多遜

石經尚書殘碑茲雒子維四方罔攸賓

此字今鈔本刻本皆作責顧廣

折據漢無字源作賓即賓字也

亦維爾

下闕

按漢人不以避諱改經字

一字石經雖亡而多士篇雒字兩見可以知伏生經文作雒非以火行忌水之故擅改經文也曹丕一詔本屬無稽學者勿爲所惑

爾乃尙有爾士爾乃尙寧幹止

餘唐石經已下作幹今更正幹从木軌聲若从干則兩聲無形矣

爾克敬天惟昇矜爾爾不克敬爾不啻不有爾土

釋文曰啻徐本作翅

子亦致天之罰于爾躬今爾惟時宅爾邑繼爾居爾厥有
幹有年于茲維爾小子乃興從爾遷王曰

石經尚書殘碑有年于茲維爾小子乃興從爾遷王
下

闕

又曰時予乃或言爾攸居

唐石經或言二字初刻是三字摩去重刻致每行十字
者成九字矣初刻隱然可辨或言之閒多一字諦視則
是誨字與傳教誨之言合維詰亦有誨言二字也

古文尙書撰異卷二十二

段玉裁學

無逸第二十二 周書

師古於翼奉傳鄭崇傳杜欽傳谷永傳引尙書無逸篇皆云尙書亡逸之篇也然則師古所據尙書本作亡逸也

無今文尙書作毋逸今文尙書作勑亦作佚漢石經殘碑本篇毋勑于遊田毋兄曰可證史記周本紀作無佚魯世家作毋逸其字參錯不一以世家作毋爲不誤王伯厚困學紀聞云無逸尙書大傳作毋佚毋者禁止之辭其義尤切玉裁按王所據大傳作毋今雅雨堂刻大

傳作無誤也今大傳本作佚困學紀聞云大傳作逸誤也佚佚逸三字多通用是呂史記魯世家漢書谷永傳皆作毋逸皆今文尙書也漢人多失讀爲佚如酒誥女無失之類蔡中郎斟酌古今而爲勅字 又按史記魯世家周公歸恐成王壯治有所淫佚乃作多士作毋逸蒙上文淫佚而言則逸字之本作佚可知 又按廣雅釋詁三曰媼媼嬉効遊敖契戲也釋言曰効媼也此正今文尙書舊說猶疑當作媼集韻引作媼媼與媼同也周公曰烏呼君子所其無逸先知稼穡之艱難乃逸則知小人之依

論衡儒增篇尙書毋佚曰君子所其毋佚先知稼穡之

艱難乃佚者人之筋骨非木非石不能不解故張而不弛文王不爲弛而不張文王不行一弛一張文王以爲當

相小人厥父母勤勞稼穡厥子乃不知稼穡之艱難乃遇乃嘑既誕否則侮厥父母曰昔之人無聞知

按今本作諺非也僞孔傳曰叛諺不恭正義曰論語由也諺諺則叛諺王裁按論語由也嘑字本從口五旦反集解引鄭元曰子路之行失於嘑嘑也皇侃義疏本不誤釋文嘑普半反本今作畔今本釋文改大書嘑字爲叛而邢昺則依陸所見別本作畔嘑此經文改嘑爲諺傳及正義改嘑嘑爲叛諺蓋始於衛包誤認嘑諺爲古

今字也王弼論語注云嘖剛猛也剛猛與不恭義略同
後儒釋論語者謂嘖同諺謂諺訓俗語因訓嘖爲粗俗
仲氏子可謂之粗不可謂之俗豈有見義必爲繼袍不
恥車裘不私如仲氏子而或以爲俗者古書所引諺皆
老成典刑之言說文曰諺傳言也絕無俚俗之解而从
口之字義復絕殊尙書字誤蔡氏乃釋爲習里巷鄙語
皆由不解嘖嘖爲何語耳嘖嘖二字在漢人當是常語
在今人則不能通此所以貴講說也僞孔傳嘖嘖不恭
蓋襲古說作嘖者古文尙書也作憲者今文尙書見洪
氏所錄石經尙書殘碑若汗簡所載諺之古文云見古
文尙書者不必從也 論語釋文嘖普半反嘖五旦反

玉篇由也嘑魚肝切史記仲尼弟子列傳正義嘑音岸

然則尙書亦宜音岸宋刊經典釋文

影鈔本在蘇州朱文府所藏弓父傳

之校刊

云諺五旦反韻書諺無五旦之音蓋唐初經文

作嘑故音五旦反天寶改嘑爲諺至開寶又改釋文之

嘑爲諺而五旦之音未改也刊注疏者改爲魚戰通志

堂刊釋文改作魚變而此字之本作嘑無可考矣此原

委井然可言者近盧氏本獨此條不依宋刻改正

漢石經殘字畫之艱難乃効乃憲旣延不則侮厥

下關

此今文尙書也按稽嗇古通用廣雅釋言曰効獮也曹

憲音逸與石經合嘑作憲誕作延則其義未聞

周公曰烏呼我聞曰昔在殷王中宗

昔在中論作在昔

嚴恭寅畏天命自度治民祇懼不敢荒寧

嚴釋文曰馬作儼按嚴儼古通用

漢石經中宗嚴恭寅畏天命自亮下闕民祇懼史記

魯世家治亦作以祇作震此今文尚書也度與亮音不相涉亮與量音同自量猶自度也治呂同在古音第一部祇震異部而音轉最近如咎繇謨祇敬夏本紀作振般庚震動漢石經作祇柴誓祇復之魯世家作振皆是也

肆中宗之享國七十有五年

史記肆作故以詰訓字代之也享作饗與石經同

其在高宗時舊勞於外

其在高宗句絕時中論作在韓帖時寔同訓身

爰暨小人作其卽位

暨商頌謚作洎

乃或亮陰三年不言

論語憲問篇子張曰書云高宗諒陰三年不言何謂也
禮記喪服四制篇書曰高宗諒闇三年不言善之也又
曰書云高宗諒闇三年不言此之謂也史記魯世家乃
有亮闇三年不言尙書大傳殷傳曰書曰高宗梁闇三
年不言何謂梁闇也傳曰高宗居凶廬三年不言白虎
通爵篇尙書曰高宗諒闇三年又四時篇尙書又曰諒

陰三年論衡篇增篇高宗諒陰三年不言公羊文九年
注子張曰書云高宗諒闇漢書五行志高宗承敝而起
盡涼陰之哀玉裁按諒涼亮梁古四字同音不分平仄
也闇陰古二字同音在侵韻不分侵覃也大傳釋梁闇
爲居廬鄭注闇讀如鸛鵒之鵒謂廬也其注禮記尙書
皆用大傳說上字讀爲梁讀爲者易其字也下字讀如
鵒讀如者釋其音也大雅涼彼武王韓詩作亮白虎通
釋禪於梁甫之義云梁信也然則古同音通用之法可
見矣

又按史記或作有此今文尙書然也下文亦罔或克壽
論衡作亦罔有可證論衡引今文不改字

其惟不言言乃雍

史記魯世家雍作謹檀弓子張問曰書云高宗三年不言言乃謹鄭注謹喜說也言乃喜說則民臣望其言久坊記子曰高宗云三年其惟不言言乃謹鄭注高宗殷王武丁也名篇在尙書謹當爲歡聲之誤也其旣言天下皆歡喜樂其政教也王裁按史記作謹今文尙書也記與今文尙書合然則今文不盡非古文不皆是於此可見王肅私定家語亦作謹注云尙書作雍蓋以古文尙書正今文尙書也禮記多出於漢初同今文尙書者多矣

又按喪服四制書曰高宗諒闇三年不言善之也王者

莫不行此禮何以獨善之也曰高宗者武丁武丁者殷之賢王也繼世卽位而慈良於喪當此之時殷衰而復興禮廢而復起故載之書中而高之故謂之高宗三年之喪君不言書曰高宗諒闇三年不言此之謂也玉裁按據此似高宗諒闇三年不言乃尙書成語非翦截母佚篇文也坊記以三年其惟不言言乃謹係之高宗云鄭注名篇在尙書然則亦非母佚語高宗篇當是殷時佚尙書

又按晉書杜預於泰始十年議皇太子喪服引書傳云亮信也陰默也爲聽於冢宰信默而不言玉裁按此所引卽孔安國論語注而云書傳者大略之詞猶云於

傳有之耳僞作尙書孔傳者用此信默爲無逸傳其實
論語孔注亦是僞作非子國所爲何晏無識得以售其
欺也

不敢荒寧嘉靖殷邦至於小大無時或怨

魯世家嘉作密玉裁按太平御覽九十一東觀漢紀序
曰書云孝乎惟孝友于兄弟聖之至要也乾乾夕惕寅
畏皇天帝王之上行也明德慎罰湯文所務也密靜天

下容於小大高宗之極至也肅宗兼茲四德以斷

當作繼

祖考臣下百僚力誦聖德紀述明詔不能辭章豈敢空
言增廣以累日月之光密靜天下容於小大槩括無逸
篇文也與史記密靖殷國正魯是可證今文尙書作密

古文尙書作嘉司馬子長劉珍等皆用今文尙書原文
非以密訓嘉也其辯章字亦今文尙書之一證 密之
訓安也詩公劉止旅乃密毛傳密安也說文宓訓安以
密爲宓假借之濫也 魯世家邦作國無時或二字
肆高宗之享國五十有九年

五十有九年漢石經作百年漢書五行志說高宗攘木
鳥之妖致百年之壽楚元王傳劉向說高宗有百年之
福杜周傳杜欽說高宗享百年之壽論衡氣壽篇高宗
享國百年周穆王享國百年并未享國之時皆出百二
十四十歲矣又無形篇高宗有桑穀之異悔過反政享
福百年又異虛篇高宗改政修行享百年之福此皆用

今文尙書也

按魯世家作五十五年旣不同今文復與古文不合
鄭君詩註曰湯受命伐桀定天下後世有中宗者嚴恭
寅畏天命自度治民祇懼不敢荒寧後有高宗者舊勞
於外爰泊小人作其卽位乃或諒闇三年不言言乃雍
不敢荒寧嘉靖殷邦至於大小無時或怨此三主有受
命中興之功時有作詩頌之者玉裁按所引皆古文尙
書也

其在祖甲不義惟王舊爲小人作其卽位爰知小人之佞
能保惠于庶民不敢侮鰥寡肆祖甲之事國三十有三年
自時厥後立主

唐石經三十作卅

漢石經或怨肆高宗之饗國百年自時厥後

下闕此今

文尙書也

魯世家其在祖甲不義惟王久爲小人于外知小人之
依能保施小民不侮鰥寡故祖甲饗國三十三年其文
在高宗饗國五十五年之下與古文尙書同而漢石經
高宗之饗國百年自時厥後隸釋所載殘碑緊接不隔
一字洪氏云此碑獨闕祖甲計其字當在中宗之上以
傳序爲次也

云計其字者謂以每行若干字計是今文

之洪於殘石得辜較每行字數也

尙書與古文尙書大異考殷本紀太甲稱太宗太戊稱
中宗武丁廟爲高宗漢書王舜劉歆曰於殷大甲曰大

宗大戊曰中宗武丁曰高宗周公爲母逸之戒舉殷三
宗以勸戒成王儆非尙書有太宗二字司馬王劉不能
凡造賈誼曰顧成之廟稱爲太宗景帝元年申屠嘉等
議曰高皇帝廟宜爲太祖之廟孝文皇帝廟宜爲太宗
之廟實本尙書據此則今文尙書祖甲二字作太宗二
字其文之次當云昔在殷王太宗其在宗其在高宗
不則今文家末由倒易其次第也今本史記同古文尙
書者蓋或漢人用古文尙書改之殷本紀曰帝甲淫亂
殷復衰與國語帝甲亂之七世而隕相合太史公旣依
無逸篇云太甲稱太宗則其所謂淫亂殷復衰者必非
古文尙書之祖甲可知也王肅注古文尙書而云祖甲

湯孫大甲也先中宗後祖甲先盛德後有過此用今文
家說注古文而不知從今文之次則太宗爲湯孫太甲
從古文之次則祖甲爲祖庚之弟帝甲各不相謀也從
王肅及僞孔叢子之曲說則後文自殷王中宗及高宗
及祖甲及我周文王豈先盛德後有過之云乎故知自
殷王中宗及高宗及祖甲今文尙書必云自殷王太宗
及中宗及高宗此無可疑者此條今文實勝古文古文
祖甲在高宗之後則必以帝甲當之帝甲非賢主雖鄭
君之注亦不得不失之誣矣

漢書宣帝紀贊倖德殷宗周宣師古曰殷之高宗玉裁
按師古誤也殷宗兼太宗中宗高宗言之漢人今文尙

書說也

生則逸生則逸不知稼穡之艱難不聞小人之勞惟耽樂之從自時厥後亦罔或克壽

漢書鄭崇傳諫哀帝曰周公箴戒曰惟王不知艱難唯耽樂是從時亦罔有克壽論衡語增篇云經曰惟湛樂之戒曰不知稼穡之艱難不聞小人之勞惟耽樂之從時亦罔或克壽 自時厥後四字作時一字或作有三家相合此今文尙書也古文尙書自時厥後四字複舉上文古或有二字音義皆同如不或亂政史記作不有治政乃或亮陰史記作乃有亮闇皆古文作或今文作

有之證後漢書作閏或恐有改之者

或十年或七八年或五六年或四三年

漢書杜欽傳欽說大將軍鳳曰書云或四三年

中論天壽篇書曰在昔殷王中宗嚴恭寅畏天命自度
治民祇懼不敢荒寧肆中宗之享國七十有五年其在
高宗寔舊勞於外爰暨小人作其卽位乃或亮陰三年
不言惟言乃雍不敢荒寧嘉靖殷國至於小大無時或
怨肆高宗之享國五十有九年其在祖甲不義惟王舊
爲小人作其卽位爰知小人之依能保惠庶民不侮齔
寡肆祖甲之享國三十有三年自時厥後立王生則邇
不知稼穡之艱難不知小人之勞苦惟耽樂是從自時

厥後亦罔或克壽或十年或七八年或五六年或三四年徐氏所引書大段與今本合高宗不曰百年祖甲次武丁後徐氏所習者古文尙書也

周公曰烏呼厥亦惟我周

尙書大傳云書曰厥兆天子爵

系之無母

佚白虎通

爵篇云書無逸篇曰厥兆天子爵攷之於經漢人目此爲無益古文尙書厥亦惟我周五字今文尙書駁異如此如心腹腎腸爲優賢揚割申勸爲厥亂勸思曰睿爲思心曰睿王啟監厥亂爲民爲王開賢厥率化民也近盧氏召弓校白虎通釋爲尙書亡篇逸篇謂尙書大傳有此文蓋後人誤據竄入玉裁按盧說近是如尙書曰

大社惟松東社惟柏南社惟梓西社惟栗北社惟槐亦
見白虎通北史劉芳傳藝文類聚太平御覽皆引云尙
書逸篇而初學記及郊特牲正義竝作尙書無逸篇正
是此類但尙書大傳言書曰者皆確然可信兆天子爵
者卽兆基王迹之謂也謂白虎通無逸字爲後人竄入
則可謂大傳爲據白虎通竄入則非

大王王季克自抑畏文王卑服卽康功田功徽柔懿其
漢石經功田功徽柔懿其按隸釋載石經嚴恭寅畏作
恭維正之共作其分別如是而微柔懿其亦作其則漢
時不作懿美恭敬解也攷僞孔傳釋微柔云以美道和
民釋懿恭云以美政恭民此必經文作其故云其民其

民猶給民也卽下文所謂供待也正義曰以此柔恭懷
安小民似正義始誤解因之衛包擅改開寶中趙剛釋
文之共音恭矣今更正作其 尙書供給字通作其而
恭敬字作恭畫然迴別石經存字甚少亦較然可證也
左氏則供恭字皆通作其一書自有一書之例

懷係小民惠鮮鰥寡

漢書谷永傳對災異事云經曰懷係小人惠于鰥寡與
漢石經合隸釋云石經懷係小人惠于矜下闕谷用今
文尙書也

惠鮮恐是惠于之誤于字與羊字略相似又因下文鰥
字魚旁誤增之也

自朝至于日中吳不皇暇食用咸和萬民

釋文曰吳本亦作仄 皇今本作遑俗字疑衛包所改也下文則皇自敬德鄭注皇謂暇謂寬暇自敬可以證此之不从是矣皇暇疊文同義爾雅釋言倥暇也凡詩書遑字皆後人所改如不遑啓處不遑假寐之類不皇假寐與不皇暇會句法正同古假暇通用如假日卽暇日非趙盾假寐之云也 楚語左史倚相云周書曰文王至於日中旻不皇暇會惠于小民唯政之恭按惠于小民卽上文懷保小民惠鮮鰥寡也唯政之恭卽下文以庶邦惟正之供也左史摘舉不以次爾 董仲舒傳周文王至于日旻不暇會師古曰旻亦吳字

文王不敢盤于遊田

晏子諫下篇曰昔文王不敢盤遊于田故國易而民安
于游字互易

西京賦盤于游畋李注尙書曰不敢盤于游畋

以庶邦惟正之供

正國語作政漢書谷永傳引下文惟正之共亦作正按
古政正通用此作正爲長供國語作恭當是本作共後
人改之今本國語至於作於惠于作于十字之間字體
乖異故未可信也

倚相說母劾子張說說命觀射父說呂荊惟楚有材可
謂盛矣

文王受命惟中身厥享國五十年

魯周公世家曰周公歸恐成王壯治有所淫佚乃作多
士作母逸母逸稱爲人父母爲業至長久子孫驕奢忘
之以亡其家爲人子可不慎乎

此繫括相小
人云云大意

故昔在殷

王中宗嚴恭敬畏天命自度治民震懼不敢荒寧故中
宗饗國七十五年其在高宗久勞于外爲與小人作其
卽位乃有亮闇三年不言言乃謹不敢荒寧密靖殷國
至于小大無怨故高宗饗國五十五年其在祖甲不義
惟王久爲小人于外知小人之依能保施小民不侮鰥
寡故祖甲饗國三十三年

此下多士稱云云當別
爲一節乃轉寫舛錯

文王

日中昃不暇食饗國五十年作此以誠成王

周公曰烏呼繼自今嗣王則其無淫于觀于逸于遊于田
以萬民惟正之供

隸釋載漢石經尚書殘碑酒母勑于遊田維

賜字

其與

古文大異攷漢書谷永傳對災異引經曰繼自今嗣王
其母淫于酒母逸于遊田惟正之其正與石經合石經
維下其上所闕必正之二字漢時民間所習章奏所用
皆今文尚書其母淫于酒母逸于遊田維正之其此今
文尚書也則其母淫于觀于逸于遊于田以萬民惟正
之其此古文尚書也古文今文之乖異如心腹腎腸歷
爲優賢揚歷則劓劓剝爲牘宮劓割頭庶黥往往而是
或疑無逸此文爲僞孔竄改非也僞孔於今文所有多

襲馬鄭之舊不得因其僞作今文所無乃并其真者而
不信也供蓋今文古文尙書皆作共字谷永傳引書而
釋之曰未有身治正而臣下邪者也度其意亦訓其爲
供如顏師古釋以正身恭已而讀曰恭則經文惟之字
不可通古文尙書蓋本作共字僞孔釋以供待天寶閒
遂改爲供也 古文施漢酈炎遺令書汝無逸于上無
湏于酒語意襲今文尙書

王伯厚漢藝文志攷說漢世諸儒所引尙書異字以萬
民惟正之共此引古文尙書也今未檢得出何書

無皇曰今日耽樂乃非民攸訓非天攸若時人不則有愆
漢石經殘碑共母兄曰今日

下闕

今文尙書作母兄古

文尙書作無皇也下文則皇自敬德石經殘碑作則兄
曰敬德鄭注皇暇也言寬暇自敬王肅本皇作況注曰
況滋益用敬德王蓋據今文以改古文也此皇字鄭亦
嘗訓暇王亦當作況訓滋益詩小雅常棣況也永嘏
或作兄兄是古字況是今字大雅桑柔倉兄填兮召
職兄斯引三毛傳皆云兄滋也韋昭國語注云況益也
母兄曰者母益曰云云也秦誓我皇多有之公羊傳作
而況乎我多有之尋秦誓詞義則兄亦訓皇暇矣尙書
大傳曰君子之於人也有其語也無不聽者皇于聽獄
乎鄭注皇猶況也然則皇蓋齊言

無若殷王受之迷亂酗于酒德哉

漢書楚元王傳劉向上奏曰臣聞周公戒成王母若殷王紂

翼奉傳奉上疏曰書則曰王母若殷王紂

後漢書梁冀傳袁詵詣闕上書曰周公戒成王無如殷王紂

論衡譴告篇云周公勅成王曰母若殷王紂母者禁之也按無作母受作紂者今文尙書然也凡古文尙書受字今文皆作紂古文不言紂今文不言受 又按師古翼奉傳注云周書亡逸之篇曰周公曰烏虓母若殷王紂之迷亂酗于酒德哉與今本尙書不合

酇唐石經作酇

周公曰烏呼我聞曰古之人猶胥訓告胥保惠胥教誨民
無或胥譎張爲幻

說文解字第三篇言部譎字下第四篇予部幻字下皆
引無或譎張爲幻無胥字

爾雅釋訓倂張誑也郭注書曰無或倂張爲幻亦無胥
字而作倂爲異玉裁按此句無胥字爲是上文三胥字
皆君臣相與之譎此胥字不倫下文人乃或譎張爲幻
亦無胥字蓋因倂孔傳有相字而增之也譎釋文曰馬
本作勦攷楊雄國三老箴作侏張詩陳風傳箋作倂張
後漢書皇后紀作勦張皆同音隨用

此厥不聽人乃訓之乃變亂先王之正刑至于小大民否

則厥心違怨否則厥日詛祝

漢石經厥不聖人乃訓變亂正荆至于

下闕

聽作聖無

之乃二字無先王之三字此今文尙書也聽聖字古音同部而古文尙書作聽當是襲衛賈馬鄭之本汗簡取字下注聽字亦聖字一字兩讀蓋非也

又按秦泰山碑皇帝躬聽史記作躬聖見廣川書跋躬聽謂事無小大皆決於上至以衡石量書也

兩否則字恐皆丕則之誤上文丕則有愆康誥篇丕則敏德此處文理蒙上直下恐不似今人俗語云否則也古然否字則祇作然不

周公曰烏呼自殷王中宗及高宗及祖甲及我周文王茲

四人迪哲

今文尙書此文次第當不如是見前

厥或告之曰小人怨女詈女則皇自敬德厥愆曰朕之愆
允若時不啻不敢含怒

漢石經則兄曰敬德厥愆曰朕之愆允

下闕

黃伯思東觀餘論引石經則兄自云今兄作皇隸釋引
石經則兄曰云孔作皇自黃與洪所見皆宋初所出石
搨非有二也東觀餘論自當作曰一時失檢耳

晉徐仙民本作翅見上篇音義

此厥不聽人乃或譎張鷟幻曰小人怨女詈女則信之則
若時不永念厥辟不寬肆厥心亂罰無罪殺無辜怨有同

是叢于厥身

聽今文尙書當亦作聖

周公曰烏呼嗣王其監于茲

漢石經公白於戲嗣王臨于茲無其字此今文尙書也
此篇言烏呼者七今文尙書皆當作於戲已石經殘碑
篇末於戲嗣王監于茲知之匡謬正俗所謂古文尙書
皆作烏呼今文尙書皆作於戲也

廣川書跋曰洛陽昔得石經尙書殘破不屬天命自度
碑作亮惠鮮鯨寡作惠于矜寡乃逸乃諺旣誕作乃勅
乃憲旣延治民祇懼作以民肆高宗享國五十九年作
百年按廣川所錄與黃氏洪氏皆合而有脫字